

## Комсомольская боевая задача

Мордовияса лама колхоз Зубово-Поляна, Кадошкина и лама лия районга ушедсть сьоронь урядама. Тя инь важнай хозяйственно-политический кампания йотафтома аф йолма васта должетт занямс комсомольский организациятне, комсомолце.

ВЛКСМ-нь Мордовский обкомъ VI-це пленумонц „Уборочнай кампаният анокламаса и сельхозпродуктань анокламань эса комсомольский организациятне задачасно колга“ постановленияц обяывает ВЛКСМ-нь райкомтне, колхознай, совхознай и МТС-нь комсомольский организациятне вятемс решительнай тюрема зернань потерятне каршес, ладямс контроль урожайнь урядамат качествац мельге, организовандамс перекрестнайста колосонь кочкама коннай и ручной грабляса, штоба афоль има фкявок зернана.

Эрь комсомолецъ должен кемоста содамс и пашкоткшнемс Сталин ялгат исторический валонзон: „Уборкась—тевсь сезоннай... Урядайт эсь пингстонза — выиграл, поздайт уборкаса — проиграл“, ибо эсь пинкста, цебарьста и сжатый срокста урожайть урядамат государствати максы тоннат лишнай сьора.

Сьоронь урядамат цебарьста йотафтома, государственнай заданиятне эсь пингста пашкодемасна кармай улема проверкас, кода комсомольский организациятне пашкоткшнесазь ВКП(б)-нь XVIII-це с'ездъ исторический решениязон.

Комсомолецъ, работамок колхознай социалистический паксяса, не должен юкснемс массово-воспитательнай и культурнай работат колхозникне йоткса. Сембе практический работа сонь должен улемс сотф теоретический знаниязон касомаснон, партият и комсомольт постановлениязон пашкодемаснон мархта.



Саранск ошса июль 21-це шистонза физкультурнай праздникъ.

СНИМКАСА: (кяржи ширеста види кядь шири) МАССР-нь СНК-ть видеса спортонь и физкультурнай Советъ председателец Богданов ялгась вручат Колосов физкультурникти ГТО-нь 2-це ступенень значек и „Спартак“ обществати авань хоккейнай командасъ, кона сявонь васенце вастъ и получасть чемпиононь жетон.

Фотосъ В. Ивенинтъ.

## Физкультурниконь шисъ Саранскийса

Июль 21-це шистонза нингешовдава Мордовиянь столицатъ—Саранск ошть трудящайнза праздничнайста щафта кармасть сюрекс таргавома ипподромти.

Ипподромса инголькге оборудованай волейбольнай и футбольнай площадкатне учсть физкультурникне и спортсметтне эса. Целай ши мольтъ площадкатне лангса физкультурнай и спортивной налкхкоматне.

Вов волейбольнай площадкас. Сонь лангзонза лисъ „Медик“ спортобществати эзда волейболистне. Илядыкс 3 волейбольнай площадкатне заньцесазь Саранск ошень иля физкультурнай обществань физкультурникне.

Ровна 12 частт. Народсь окружает пикса шарф кругть. Тоса Саранск ошень пионеронь кудтъ юннай физкультурниконза—няфнесазь эсь физический закалкасон. Синь исполнили лама замечательнай акробатический номерхт. Няфнезь, што миньцонк аф аныцек оцюфне, но и подросткатневок анокт трудти и оборонати.

Духовой аркестрань и баянонь звукъ ала йотась народнай гуляниясь тя шиня. Сон ульсь действительна оцю и радостнай праздниконь шикс.

## Образцовый клуб

Шарьхкодемек клубъ политический значенияц, Кяшал велень советъ исполкомоц и колхознай правлениясь (Атюрьевский районца) назначандазь клубонь заведующайкс провереннай комсомолецъ, активнай общественникъ—Г. Лебин ялгатъ, кона клубъ работанц

ладязе образцовый порядокс. Клубса Лебин ялгась эрь илядня вяти активнайста массовой--и агитационнай работа, пуроптъ клубъ перфкеме актив, обеспечендазе политический и художественнай литератураса, получандай лама газетат и журналхт.

А. Малькин.

## Выборочна лиссъ нума

Зубово—Поляна. П.-Селищань „Марстонь вий“ колхозсь июль 17-це шистонза выборочна лиссъ нума. Васенце шиста нустъ 1,5 гектар.

Атюрьева. Районца лама колхоз лиссъ выборочна июль 19-це шистонза сьоронь урядама. „Трудовой коллектив“ колхозсь выборочна нустъ 5 гектархт.

Кадошкина. Чек—Полянский велень советса „Большевик“ колхозсь июль 19-це шистонза лиссъ нума. Таратова ялгатъ звенац, лисемок нума, примерна определил урожайность эрь гектарста 17—18 центнерхт.

Сьоронь урядама васень шитненъ эздакге няфнихть стахановский работань образец Н. Е. Лепешкина, Е. Таратова и К. А. Тимакина ялгатне.

## ЛАТВИЯТЪ И ЛИТВАТЪ СССР-ТЬ СОСТАВС СУВАМАСНОН КОЛГА

Июль 21-це шистонза Латвийский Сеймсь единогласна примасъ Латвийт Советский Социалистический Республикань Союзть составс суваманц колга декларация. Декларацият эса корхтати:

„Лама кизонь пингста латвийский народсь стонал эксплуататорхненъ гнетснон ала, подвергался грабешненди и порабощеният, обрекался нищетати и вымираният. Латвийский рабочайхне и трудящай интеллигенциясь ульсь обреченахть безработицати и вачеда куломоти. Латвийский крестьянтне пцтай поголовна страдали безземельятъ и малоземельятъ эзда.“

Тяни, корхтати декларацияса, мзярда латвийский народсь йордазе сире режимть, гнетонь и бесправиянь режимть, и лиссъ кели и од эряфонь валда кить лангс, од государственнай и общественной строительствань кить лангс, сась великай исторический частсь, мзярда должен улемс окончательно

и навечно тяйфть сембе преградате Латвият и СССР-ть йоткса, мзярда должетт улемс законодательна кемокстафт кеме союзсь и дружбась Латвийский Республикатъ и Советский Социалистический Республикань Союзть мархта.

Лувомок латвийский народть единодушна выраженной воляц, Сеймсь постановил:

„Просить Советский Социалистический Республикань Союзонь Верховнай Советъ примамс Латвийский Советский Социалистический Республикатъ Советский Социалистический Республикань Союзть составс Союзнай Республикакс сякажа основанияса, конатненъ коряс сувасть Советский Союзу Украинский Советский Социалистический Республикас, Белорусский Советский Социалистический Республикас и иля Союзнай Советский Социалистический Республикатне“.

Июль 21-це шистонза Литовский Республикань Сеймсь СССР-ть составс Литвадь суваманц колга примасъ единогласнай декларация. Декларацияса корхтати:

„Литовский народсь, кона апажужалтъ эксплуатировандавсь эксплуататорхненъ ширде, тарксевсь насилият и грабешть алу, обреченнай ульсь нищетати и куломоти, установиндась Литваса государственнай од строй, строй, конань пингста странаса полновластной хозяйникс ащи сонць народсь. Тя стройсь советский. Литвась преобразовандаф Советский Социалистический Республикакс“.

Декларацияса азондови, што Литвань ингольценъ правительственъ преступнай реакционнай кликасна всякай средстваса препятствовандась СССР-ть мархта Литвадь братский сближенияснонды, сембе мератненъ мархта стреминдась шорямс СССР-ть мархта Лит-

вадь йоткса кеме, нерушимай союзонь установиндамат. Тяни Литовский народсь, машфтомок гнетть и бесправият установиндась государственнай и общественной од строй, должен законодательна кемокстамс Советский Социалистический Республикатъ мархта Литовский республикатъ йоткса кеме союзть и дружбаць.

Молемок народть марьгоманц коряс, йордазь сире режимть, корхтати декларацият заключенияса, —Народнай Сеймсь постановил:

„Эняльдемс Советский Социалистический Республикань Союзть Верховнай Советонцты примамс Литовский Советский Социалистический Республикатъ Советский Союзть составс Союзнай республикань праваса кодамажа основанияса, кодамса сувасть Украинский ССР-сь Белорусский и лия Союзнай Республикатне“.

(ТАСС).





Саранск ошса физкультурниконь шить праздновамац

СНИМКАСА: Пионеронь кудь пионеркань командац и „Спартак“ обеществать юношеский (кучкаса) акробатический группац демонстрировандайхть физкультурнай выступленийсон.

Фотось В. Ивсннтъ.

### Народнай учительница

Елена Алексеевна Соловьевас 20-це кизось работай учительницакс Алякс велень начальнай школы. Нят комось кизотнень эзда сон тонафнесь трудяйнь тьожатть идь. Тяни ламотне синь эздост трактористт, пилотт, инженерхт, учительхт, ламотне служайхть Якстерь Армиять рядсонза командиркс, лейтенанткс, капитанкс. Синь сембе лац мяляфтсаз эсь кельгома учительницасон Елена Алексеевнать и azon-дыхть тейнза оцю благодарность.

Елена Алексеевнась беспокоендай эсь учениковзон колга, ваны синь дальнейшай судьбасон мельге. Пяк оцю радость кандсь Елена Алексеевнати сонь ученикоц Егоркин Иван Ивановичсь 1938-це кизоня самурайхнень каршес тюремста доблестень и геройствань няфтемангса Ленинонь ордена каземац. Егоркинц тяни служай Якстерь Армиять рядсонза командиркс.

Елена Алексеевнать учениковзон Буянкинц, тяддя отличнайста аделае Пединститутть, Шонькинц, работай инженеркс, Киняковсь и Ульяновц, тонафнихть летнай школыа и лама лият кирьдихть соткс эсь кельгома учительницасон мархта: кучихть сьормат, сашендыхть инжикс. Синь эрь сьормасна, эрь васедемасна Елена Алексеевнати канды радость. Тя тейнза оцю награда.

И. Чепин.

Кадошкинский район.

### 1360 учитель заочник

Саранск ошень Государственной Педагогической институтонь заочнай секторса тонафни 1360 учитель. Синь эздост 1119 учительсь сашенцт заочнай летнай сессияв, конат мольсть июль 20-це шинц самс.

### Районнай комсомольский активонь собранияста

Июль 14-це шистонза Zubovo-Поляннай райцентрань клубса ульсь йотафтф комсомольский активонь собрания.

Собраниясь обсудил ВЛКСМ-нь ЦК-ть XI-це пленумонц работань итогонзон и сьора урядамати и сельхозпродуктань анокламаса комсомольт задачанзон колга кизефксень.

Докладчикне и пренияса корхтай ялгатне кемоста критиковандаз райкомть ингольдень аппаратонц работаса аф сатыксонзон. ВЛКСМ-нь райкомть работниковза кальдявста лезнеть первичнай комсомольский организациягнени. ВЛКСМ-нь райкомть ингольдень секретаренц обязанностензон исполняющец Орькин ялгась 3 коновь работанц пингста вестенге ашель первичнай организациятнень эса, а школьной од ломанень и пионеронь отделть заведующаец Терлова ялгась 7 кошти ашезь яка фкявок первичнай организацияс, мезень сюнеда лама организациява работась пцтай совсем развленаель.

ВЛКСМ-нь райкомсь афольхень сода эсь кадранзон. Од Потьма велеса секретарькс райкомсь лувондозе Автаева ялгать, но мзярда проверязь, то лиссь, што Автаева ялгась 6 кофт ни аф эряй организацияса. Пцтай тяфтамажа тевсь „Якстерь тяштя“ колхознай комсомольский организациять эсонга. Тяса ульсь ВЛКСМ-нь райкомть работников Яшкин ялгась, но сон аныцек тиендсь тоза гостролерский поездка, а лезкс организацияти кодамовок ашезь макса.

Собраниясь отметил, што райкомть руководствасонза ашель коллективность. Райкомть пленумонь 25 членонц эзда порученият пашкоткшнесть аныцек 2. Райкомть видеса лувондовсь 1 внештатнай инструктор, но тейнза тяфтажа

поручениятне максевсь случайста-случайс.

Кемоста критиковандаз ВЛКСМ-нь райкомть и кой-кона первичнай организациянь секретарьхнень аф кирьдемшка оцю безобразиятнень инкса членский взносон пандомаса. Т.-Стан и Промзина велеса комсомолецне 5-нь ков ашезь панне эсь членский взноссон, а „Красный Октябрь“ колхозса комсомолецнень кядьста 1940 кизоня нинге йофси ашесть прима взност. Сембе тя вятсь сянди, што марнек районнай организациясь 1939 и 1940 кизоня задолжал членский взноснень коряс пцтай 5 тьожатть цалковай. Нят безобразиятне лисендсть сас, мес комсомольский руководителхне по-существу ульсь аертфт комсомольский массать эзда, сяс мес райкомть ревизионнай комиссияц (председательсь Муравьев ялгась) вестенге аф райкомть, аф первичнай организациятнень работасон ашезень проверякшнесь.

Особай мяль выступающей ялгатне шарфнесть комсомолецнень и аф союзнай од ломатнень йоткса военно-физкультурнай работать состоявианц лангс. Райкомть военно-физкультурнай отделонц заведующайц Кузнецов мезьса аныцек ашезь занимадакшнесь, но аныцек аф военной и физкультурнай тефнень мархта. Районца фкявок колхозса аяш спорторганизация. Тя тевсь марнек максф на откуп физкультурнай и спортонь райуполномоченнайи Моисеев ялгати, конац кстати азомс, пцтай мезевок аф тиенди.

Собранияда меле ульсь райкомть пленумонц. Пленумсь кемокстазень агитациянь и пропаганда комиссиати председателъкс Лобанов, военно-физкультурнай работать коряс комиссиати председателъкс Железнов ялгатнень.

М. Сайгин.

### Поручениятнень аф пашкоткшнесазь

Глушка велень комсомолецнень и од ломатнень йоткса аф вятви кодамовок идейно-политический работа. Тяфта жа ащи тевсь колхозникнень йоткса агитационно-пропагандистский работать мархтовок.

Правда, комсомольский организациясь тя положениять мархта йорась примамс эрявикс мерат. Сон колхозникнень йоткса агитационнай работань вятма выделил Ф. В. Синякин, Н. Г. Синякин, Г. И. Синякин и О. С. Афонин комсомолецнень, но синьдеест порученаят тевти нинге ашесть кярмотькшнесь.

Комсомольский организациять секретаренцы Кишкинти комсомольский собраниясь поручал, штоба сон велень советонь исполкомть и колхозонь правлениять инголи путоль кизефкс велеса культурнай очагонь—колхознай клуболь панжамать колга, но тя почетнай поручениять Кишкинц аф пашкоткшнесазь.

Синякин.

Кадошкинский район

### Школась аноклаф фкя ширьде

Кяшал велень аф полнай средней школыа тиф аф кальдяв ремонт: штукатурендафт сонь стенавза, вачкафт галанкат, петьфть калада партатне и сатомшка аноклафт пенгятка.

Тевсь бта ащи аф кальдявста, но кда ванцайт тонафнема кизоти анокламать сембе деталензон, то няеви, школась 1940—1941 тонафнема кизоть образцовайста васьфтеманцы аноклай аф сатомшкаста. Школаса аш кодамовок нагляднай пособия, а библиотекаиц полканза пяк беднайхть книганы пяльде.

А. Малькин.

Атюрьевань район.

Ответ. редакторь заместителем  
И. ЧУДАЙКИН.